

ত্ৰিপুৰা হাফাঙ
ককথুম তেই হুকুমু দাগিখুঙ

স-৫৪৩

আগৰতলা, ৬ মে, ২০২৫

চাইল্ড ৱাইটস তেই প্ৰোটেকশনন' ৱীৰ্গীই খোয়াইঅ হজাক খীলায়মুঙ পানদা

তুলাশিখৰ ৰুক আমচায়' চেথুয়াঙ কমিউনিটি হল' থাঙনায় ৩ মেঅ ন্যাশনাল কমিশন ফৰ প্ৰোটেকশন অব চাইল্ড ৱাইটস, ত্ৰিপুৰা কমিশন ফৰ প্ৰোটেকশন অব চাইল্ড ৱাইটস তেই ৱীঙ নায়খুঙনি কীথালয় লুউজিমুঙগ' কায়সা হজাক খীলায়মুঙ সামুঙবীতাং সঙচাজাকখা। চাইল্ড ৱাইটস অ্যাক্ট, পকসো অ্যাক্ট, পিসিএমএফ অ্যাক্ট, চাইল্ড ম্যারেজ কাসুমুঙ তেই ফেকজাকনায় মানীয় বায় চীৱাইৰকন' কাতিৰীনা ৱীৰ্গীই অ হজাক খীলায়মুঙ সামুঙবীতাংগ' বিদ্যাজ্যোতি তুলাশিখৰ ৰাজনগৰ হায়াৰ সেকেণ্ডাৰি স্কুলনি সীৰীঙনায়-সীৰীঙনায়জীকৰক মানজাক ফায়খা। পানদান' চেঙগীই ৱীখা ত্ৰিপুৰা কমিশন ফৰ প্ৰোটেকশন অব চাইল্ড ৱাইটসনি চেয়াৰম্যান জয়তী দেববৰ্মা। নগৰায় খাচুক আঁঙগীই মানজাক ফায়খা টিসিপিসিআৰনি আদঙজীক চামেলি সাহা, মানিক দেববৰ্মা, মৈত্ৰেয়ী দেব দত্ত, ঝুমা বিশ্বাস আকসঙ। পানদাঅ টিসিপিসিআৰ চেয়াৰম্যান জয়তী দেববৰ্মা সাখা, চীৱাইৰক আঁঙখা চিনি থিনাঙ। বৰগনি মানথায় তেই নায়মীথাঙন' থিতি খীলায়না আঁঙখা চিনি খীলায়থায় সামুঙ। ৱীঙ তেই হজাক খীলায়মুঙন' মান' চীৱাইৰকনি লাঙমাত কুবুই কীকীৰীক সীলায়মুঙ তুবুনানি। ব' তেইব' সাখা, কমিশন চীৱাইৰকনি বাৰ্গীই কায়সা কাহাম তেই নায়থক তঙখৰ সীনামনানি নায়মুঙগ' সাকতাৱীই সামুঙ তাঙগীই তঙগ'। পানদা সীৰীঙনায়ৰকনি বিসিং চাইল্ড ৱাইটসন' ৱীৰ্গীই কেৰঙ তেই লুকুবসঙন' তীয়য় হজাক খীলায়মুঙ বাঙৰীনাঅ য়াসি কায়জাকনায় সামুঙ তাঙনায়। পানদাঅ চীৱাইৰকনি মানথায় তেই বৰগনি কেৰঙনি নায়মীথাঙনি সাকাব' ককমুঙ নাৱীকখা মুঙগীনাঙ অ্যাডভোকেট সুচিত্ৰা ত্ৰিপুৰা তেই ত্ৰিপুৰা ন্যাশনাল ল ইউনিভাৰ্চিটিনি সীৰীঙনায়জীক বিন্দিয়া চৌধুৰী। লামসগীই ককমুঙ নাৱীকখা টিসিপিসিআৰনি মেম্বাৰ সেক্ৰেটাৰি স্বপন দাস। পানদান' তীয়দুলখা স্কুলনি ভাইস প্ৰিন্সিপাল অমূল্য দেববৰ্মা।

পানদানি পায়থাগ' বিদ্যাজ্যোতি তুলাশিখৰ ৰাজনগৰ হায়াৰ সেকেণ্ডাৰি স্কুলনি সীৰীঙনায়ৰক চাইল্ড ম্যারেজন' কাসুনানি সাকা কায়সা থীঙনুক মীসাউই ফুনুকখা।
